



BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
PREDSTAVNIČKI DOM
Ustavno pravna komisija
Broj: 01/1-011-22/02
Sarajevo, 15./16.01.2001.

Bosna i Hercegovina
PARLAMENTARNA SKUPŠTINA
BOSNE I HERCEGOVINE
SARAJEVO

Primljeno: 14.02.2002.			
Org. jed.	Broj	Prilog	Vrijednost
01/1	-011-22/02		

ZAPISNIK

sa dvadesete sjednice Ustavno - pravne komisije

Sjednica je održana dana 15.01.2002.godine sa početkom u 11,00 sati, a nastavak 16.01.2002.godine

Sjednici su prisustvovali:

- | | |
|---------------------|-------------------------|
| 1. Mirko Banjac | 5. Miro Grabovac –Titan |
| 2. Mariofil Ljubić, | 6. Željko Bilbija i |
| 3. Hilmo Neimarlija | 7. Osman Brka |
| 4. Muhamed Begović | |

Član Komisije Bogić Bogičević je zbog zdravstvenih problema pravdao izostanak, a Mirko Mijatović zbog problema u putu izazvanih nevremenom.

U ime predstavnika predlagača sjednici su prisustvovali:

1. Beriz Belkić, član Predsjedništva BiH
2. Jure Pelivan iz Centralne Banke BiH
3. Slobodan Nagradić iz Vijeća Ministara BiH i
4. Jadranko Tomić i Mladen Pandurević iz Doma naroda

Sjednici su takođe prisustvovali: Branka Todorović, Vedran Hadžović i Milan Zjajić zaposleni u stručnoj službi Predstavničkog doma Parlamentarne skupštine BiH.

Predsjedavajući komisije Mirko Banjac je predložio sljedeći:

DNEVNI RED :

1. Vrifikacija zapisnika sa XIX. sjednice održane 27.12.2001.godine.
2. Prijedlog zakona o praznicima Bosne i Hercegovine, skinut sa dnevnog reda 19. sjednice zbog odsustva predstavnika predlagača Doma naroda.
- ✓3. Prijedlog zakona o deminiranju u BiH, predlagač poslanik Željko Bilbija.
- 4. Prijedlog zakona o Agenciji za informacije i zaštitu BiH, predlagač Predsjedništvo BiH.
- ✓5. Prijedlog zakona o izmjenama i dopunama Zakona o Centralnoj banci BiH, predlagač Predsjedništvo BiH.
6. Prijedlog zakona o zaštiti prava nacinalnih manjina, predlagač Vijeće ministara BiH
7. Primjedbe OHR-a na amandmane na Prijedlog zakona o državnoj službi u institucijama BiH
8. Ostala pitanja.

Prije izjašnjavanja o dnevnom redu Milan Zjajić je upozorio Predsjedavajućeg Banjca da je predlagač Prijedloga zakona o izmjenama i dopunama Zakona o Centralnoj banci BiH povukao prijedlog i dostavio novi, tako da formalno za taj novi prijedlog nije dobijen dopis od Kolegija doma. Sekretar Predstavničkog doma Branka Todorović je iznijela svoj stav da se navedeni prijedlog ne stavlja na dnevni red, ali je na insistiranje člana predsjedništva Beriza Belkića Komisija većinom glasova prihvatila da se izjašnjava o ustavnom osnovu za donošenje.

Predloženi dnevni red je jednoglasno prihvaćen.

Ad. 1.

Bez posebne rasprave i primjedbi članovi Komisije su jednoglasno verificovali zapisnik sa XIX sjednice Ustavno – pravne komisije održane 27.12.2001.godine

Ad. 2.

Otvarajući ovu tačku dnevnog reda Predsjedavajući Mirko Banjac je je dao riječ predstavniku predlagača. Gospodin Jadranko Tomić je kratko obrazložio da je Dom naroda na svojoj 9. sjednici usvojio i dostavio Predstavničkom domu Zakon o praznicima BiH, o kojem danas Ustavno – pravna komisija raspravlja kao nadležna.

Zatim je vođena kraća rasprava o zakonodavnim procedurama u Parlamentarnoj skupštini i konstatovano da se te procedure narušavaju, ali da je u konkretnom slučaju postupljeno po Poslovniku. Potom je otvorena rasprava koja je izuzetno dugo trajala i često prerastala u polemiku. U raspravi su učestvovali svi prisutni. Svi diskutanti su bili jednodušni u stavu da je BiH potreban ovaj zakon i podržali su II amandman Kluba poslanika HDZ kojim se predviđa da zaposleni građani BiH imaju pravo izostati sa posla četiri dana tokom godine za obilježavanje vjerskih praznika, a da za te dane imaju plaćenu naknadu.

Najdužee je trajala rasprava i izneseno više suprotsavljenih stavova povodom člana 2. stav 2. Prijedloga zakona kojim je 25.11. definisan kao Dan antifašizma. Iz diskusija i uloženi amandmana je očito da ponudeno rješenje nije imalo podršku. Međutim, svi pokušaji da se pronade drugo rješenje koje bi imalo podršku većine nisu davali rezultata. Članovi Komisije Osman Brka, Hilmo Neimarlija i Muhamed Begović podržavali amandman kojim se taj praznik označava kao Dan državnosti, Gospoda Titan i Ljubić su bili za to da bude Dan ZAVNOBIH-a, a Predsjedavajući Banjac i Željko Bilbija da bude Dan zasjedanja ZAVNOBIH-a, što je bio prijedlog gospodina Banjca. Ovaj prijedlog je bio spreman prihvatiti i Miro Grabovac –Titan, ako ga prihvate svi. Na kraju, u želji da se nađe kompromisno rješenje, od uloženi amandmana su odustali Mirko Banjac i Marofil Ljubić, a II amandman Kluba poslanika HDZ je jednoglasno prihvaćen. Članovi Komisije su zaključili da se odlučivanje o I amandmanu Kluba HDZ i amandmanima Seada Avdića, odgodi za sutra, kako bi se izvršile dodatne konsultacije i o svemu još malo razmislilo.

Ad. 4.

Predsjedavajući je predložio da se rasprava pod tačkom četiri održi odmah cijeneći prisustvo na ovoj sjednici, i obaveze člana Predsjedništva BiH te pozvao gospodina Beriza Belkića, predstavnika predlagača Zakona o Agenciji za informacije i zaštitu BiH da uzme riječ. U kraćoj diskusiji gospodin Belkić je obrazložio ustavni osnov.

Zatim je Hilmo Neimarlija iznio da lično uvažava dolazak gospodina Belkića na ovu sjednicu i da će dati svoj glas "za". Ovakvom stavu se pridružio i član Komisije Osman Brka.

Kako se niko više nije javio za riječ, Predsjedavajući Banjac je izrazio svoju saglasnost sa obrazloženim ustavnim osnovom i spremnost da ga podrži, pod uslovom da se i naziv zakona uskladi sa Ustavom i glasi Zakon o informisanju i zaštiti institucija BiH.

Predstavnik predlagača je na ovo istakao da je cijeli projekat zakona plod usaglašavanja i kompromisa i da je naziv bilo teško definisati i da naziv ništa ne prejudicira. Na ovo je uzvratilo Predsjedavajući Banjac kako je obavješten od člana Predsjedništva Živka Radišića da su se u tekstu pojavile odredbe na koje on nije dao saglasnost i pozvao člana Komisije Željka Bilbiju da potvrdi ovu informaciju. Gospodin Bilbija je to i učinio.

Zatim je nastavljen duža rasprava o novonastaloj situaciji iz koje se izdvaja spremnost gospodina Belkića da se založi za izmjenu naziva zakona po iznešenom prijedlogu, ali i zahtjev da se Predsjedništvu uputi zvaničan zahtjev za razrješenje svih spornih pitanja, za koje gospodin Belkić tvrdi da ih nije bilo.

Na kraju su članovi Komisije ipak odlučili da se izjašnjavanje o ustavnom osnovu odgodi.

Ad. 3.

Na početku rasprave Predsjedavajući je dao riječ predlagaču Zakona o deminiranju u BiH. Gospodin Bilbija je istakao veliku potrebu za donošenjem ovog zakona i obrazložio ustavni osnov za donošenje.

Nakon toga članovi Komisije su jednoglasno prihvatili da postoji valjan ustavni osnov za donošenje Zakona o deminiranju u BiH i da se ponudeni tekst može uputiti u dalju zakonodavnu proceduru.

Ad.5.

Na početku rasprave Predsjedavajući je pozvao predstavnika predlagača Zakona o izmjenama i dopunama Zakona o Centralnoj banci Bosne i Hercegovine, koji je kratko komentarisao ustavni osnov i razloge za donošenje.

Nakon toga članovi Komisije su jednoglasno prihvatili da postoji valjan ustavni osnov za donošenje Zakona o izmjenama i dopunama Zakona o Centralnoj banci BiH i da se ponudeni tekst može uputiti u dalju zakonodavnu proceduru.

Ad. 6.

Nakon što je dobio riječ od Predsjedavajućeg, predstavnik predlagača gospodin Nagrađić je istakao razloge za donošenje i ustavni osnov, posebno naglašavajući da je raniji prijedlog povučen i doraden.

Član Komisije Osman Brka je zamjerio predlagaču da se u zakonodavnoj proceduri već nalaze dva zakona koja regulišu prava nacionalnih manjina i da je neozbiljno predlagati i treći, nego da treba amandmanima dograđivati zakon u proceduri.

Zatim su članovi Komisije jednoglasno prihvatili da postoji valjan ustavni osnov za donošenje Zakona o zaštiti prava nacionalnih manjina, predlagač Savjet ministara BiH, i da se ponudeni tekst može uputiti u dalju zakonodavnu proceduru.

Ad. 7.

Članovi Komisije su konstatovali da su primili k znanju stavove OHR-a o amandmanima na Prijedlog zakona o državnoj službi u institucijama BiH, ali da je navedeni Prijedlog zakona u plenarnoj fazi i da se iznešene primjedbe mogu eventualno razmatrati u toj fazi od strane Predstavničkog doma.

Ad. 8.

Kako nije bilo prijedloga za ovu tačku dnevnog reda (ostala pitanja) Predsjedavajući je zaključio devetnaestu sjednicu u 14,30 sati, a da se nastavak druge tačke dnevnog reda održi sutradan u pauzi zasjedanja ili nakon sjednice Predstavničkog doma.

Nastavku 2. tačke dnevnog reda održanom 16.01.2002. godine u 16,00 sati prisustvovali su svi članovi Ustavno – pravne komisije i Jadranko Tomić u ime predlagača, a pridružio se i delegat u Domu naroda Halid Genjac.

Prvi se za riječ javio Hilmo Neimarlija i istakao svoja nova saznanja da Prijedlog zakona o praznicima nije dobio podršku Bošnjačkog kluba u Domu naroda i da je taj prijedlog usaglasio Kolegij, što je po njemu u najmanju ruku presedan, ali i razlog da ima drugačiji stav.

Zatim je svoj prijedlog da 25.11. bude " Dan zasjedanja ZAVNOBIH-a" obrazložio i Predsjedavajući Banjac ističući da uvažava dan zasjedanja, ali ne i ZAVNOBIH kao instituciju i nudio podršku da se neki drugi dan obilježi kao Dan državnosti BiH, kao na primjer dan potpisivanja Dejtonskog sporazuma ili dan međunarodnog priznanja BiH. Iz poduže rasprave je ipak bilo vidljivo da se nemože doći do kompromisa, te je predloženo i prihvaćeno da se od Kolegija Predstavničkog doma, saglasno Poslovniku, traži odobrenje za produženje roka za ovaj prijedlog zakona.

Na kraju je istaknut usmena molba gospodina Belkića da se Komisija izjasni o ustavnom osnovu za Prijedlog zakona o Agenciji za informisanje i zaštitu BiH. Prihvaćen je jednoglasno prijedlog Predsjedavajućeg Banjca da postoji valjan ustavni osnov za donošenje Zakona o agenciji za informisanje i zaštitu institucija BiH i da je potrebno da predlagač pored izmjene naziva izvrši i eventualne izmjene teksta i obrazloženja.

Isto tako Komisija je pokrenula inicijativu da se održi zajednička sjednica sa Ustavno – pravnom komisijom Doma naroda u cilju poštivanja zakonodavnih procedura u Parlamentarnoj skupštini BiH. Kao mogući termin je ponuđen 23.1.2002. u 10,00 sati

Nastavak sjednice je završen u 16,45 sati.

